

الرشاد

س ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در اتبعون اهدكم سبيل الرشاد

صاحب و مدير مسئول : ح . اشرف اديب

جلد ۲ - ۹

۲۹ تشرين ثاني ۱۳۲۸

پنجشنبه

۲ محرم ۱۳۳۱

عدد ۴۰ - ۲۲۲

آثار استعداد کوسترندره عادتاً احبامعامله سی ایدر ، کندیلرینی کبار برظرافتله دائماً تلطف ایلر - وشیمدی او کولوشی دوشوندکجه آغلایورم - آلی اوپدیکمزمان حجاب متواضعانه ایله کوزلرینی قاپار ومحجوب برتبسم متشکرله برشی سویلکسزین برچوق شیلر سویلردی . ایشته برهفته اول اوکدن کیدن طانیمدیغ بریشیل صاریفک یینه طانیمدیغ بیاض بر صاریفه « مناسترلی اسماعیل حق افندی اولمش » جمله لاقیدیه وصباح غزته سی نک دموی یوزیله اقدامک اسمرولفقوی چهره سنک « اوت ، مناسترلی اولمش » قیلندن بر بارده ایله غروبنی عالم اسلامه خبر ویردکری سیاره سعی وکمال ، بوقدر متواضع بر انساندی .

مکتب حقوقده بز ، بر قاج آرقداش ، اک صمیمی وقعرنایاب حرمتلرمزی انحق ایکی استادک ، صدراعظم اسبق ابراهیم حق پاشا ایله مناسترلی اسماعیل حق افندی مرحومک درسارنده طویمشدق . چونکه انحق بوایکی آدمک شخصنده بر مؤلفک مترجمنی دکل ، یوزلرجه مؤلف عالمک هضم وتمثیل وافکار مخصوصه ایله ترین اولومش صحایف علمیه سنی او قودق . حافظه سنک متانتیه حیراندم . طلبه سی ایچنده ایکی منتها اولان چوق عاطلرله چوق مقدملری اسم وجسمملریله طانیق واونلری کوردیکی زمان - دهانی قدر نطوق اولان کوزینک معالی نظرلریله - یافرط سعلیرینه معطوف بر لمعه خنده دار ترغیب ، یاخود افراط عطالتلرینه عائد بر شراره مغیر کوسترمک معتادی ایدی .

برهفته اول سلم آخرتک دنیا یه صارقش ایلك قدمه بارده سی کبی طوران فاتح سنک مصلاسنده بر جنازه دکنکنک اوستنه اتکا ایدن عمامه ، آلتیدن لایعد تلامیذ مفیده ومستفیده یتشدرمک خصوصنده ، مدارس ماضیه اسلامک نورانی قبه لری قدر فیاض ایدی .

مدحت جمال

بویوک معلم

ارتحال آلمنی غزته لرده او قوددیغ زمان اینانق ایسته مدیکم معلم محترم مناسترلی اسماعیل حق افندی نک آره مزدن ابدیاً آیرلیدیغی دوشوندکجه قلمدن برقطره خون آقیدیغی حس ایدر اولدم وایمیکه نیم کبی مشارالیه یقیندن طانیانلر دکل ، حضور عرفاننده درس اوقویان بوتون شاگردلری ، یالکیز کندیسینه خاص برطلاقت برحلاوت ایله ویردیکی وعظملرندره بولنان سامعین مسلمین ، نشریات عالمانه سندن مستفید بیکلرجه عثمانلی قارئلری ده مأیوس ومکدر اولمشلردر .

رحمت حقه واصل اولان استاد مرحوم ؛ یالکیز صنوف علمانک دکل ، بوتون هیئت اجتماعیه عثمانیه نک مدار افتخار وابتهاجی اولان اعظم مملکتدن ایدی . مشارالیه ک - پک سودیکی - بومملکته خدماتی جداً بویوکدر . قرق سنه دن زیاده دوام ایدن مواظط دینه سی ، مکتبلرده کی تدریساتی ، زمانمزده کی زی علمادن بولنان ذواتدن

غریبه که حفره الحاده ییلدیرملر یاغدیبر ، شاهقه جهان اسلام اوزرندن کونشیلر اشراق ایدر ؛ خلاصه آغزندن سحائب رحمت مهابت روحانیه سیله بر طاقم افکار عالیه معبد قالیچه لرینک اوزرندره اوطوران صف سامعینک جباه صامته سنه نزول ایلردی . حالبوکه مکتب حقوق کرسی تدریسنده منظره بیان درحال دیکشیردی ، او بیوک عرفان عصای تواضعنه طایانه رق ذروه کلاتندن اینر ، تابزم بولندیغمز زمین منحنط ادراکه قدر اینر ؛ بزه اوفق تفک کلملر ، حتی بعضاً معنیدار سکوتلره ، حتی بعضاً برکله کبی شکله ادخار معنا ایلش اولان پارمقلرینک اشارتلیله « وصایا » ، « فرائض » مباحثنک عقد غوامضنی چوزر ، « فرائض » مسائلنک زلف ژولیده عربیه بکزمین هر عقده اعمای نکاتی آره سندن ، هر تار تار ماری اوزرندن غایت سلیس بر شانه بیان کچیریر ، بعضاً « اصول فقه » کتابنک متین ومتعب بر تار وپود سماوی ایله اعمال ایدیلن صحایف آهیننی شانه افاداتنک حلال اهام اولان دیشلریله لیمه لیمه ایدرک ستون طلبه سنی برررفر شوخ حریری قارشیسنده بولندیبردی . اوزمان اوسطور غامضه ومظالمه فرشته فلسفه اسلامک زلف لطیف سیاهنی آکدیبریر ، و بز اولک اره سنده بیک شمس نهفته نکاتک حرارت ولطافت علمیه سنی بولور ، سرمست ابدیسی اولوردق .

ملکیه ده ، حقوقده ، طیبیه ده ، حریه ده ودهسا سائر برطاقم مکتبلرده مناسترلی معلمدی . اوله ایکن ، مکتب حقوقده اوچ سنه متمادی برکون - خسته اولدیغی زمانلرمستقا - درسارینه لاقیدلکنی ایما ایدن بر تاخر دوامی کورلمزدی . تعیر جائز کورلسون ، عادتاً اوروپانک بخار ایله متحرک وسائط نقلیه سنه یاقیشان بر اطراد ورود ایله تام دقیقه معینه سنده درسه کیرر ، صده تماس ایتمه یین مباحث لابلالیانه یی دائماً جوار وقارندن تبعید ایدن بر جدیت معلمانه وعالمانه ایله اوکونکی بحثک تقریرینه باشلاردی . ودرسه کلدیکی زمان آق صقالتک اوزرندره کی تردانه سیله ، اثنای تدریسده معالی اسلامه دائر ایراد ایتدیکی سوزلر اوزرینه ایچنده بر آسمان تأثر تیلر ایدن برقطره کوزیاشی یینه اولحیه پاک اوزرندره خلف سلف اولوردی . کیم نه درسه دیسین ، دور سابقک اوزمان بلکه بتون ممالک محروسه شاهانه اهالی صادقه سنجه مقبول ، حتی ما کل اولان مظالم فضیحه سنه عائد اولارق قلبنده بر عمان انفعال طاشییدان مناسترلی ، درسه مناقب ومفاخر اسلامی یاد وتعداد ایتک صره لری کلدکجه دور سابق خلیفه ظالمک ایوان امینه یاریسی کوز یاشندن ، یاریسی سکوت معنیداردن معمول برطاشی سسمر صداسز فیلاتیر ، واوزمان کوزلری قلبنده کی عمان عظیم انفعالك کردابلری کبی قارا کلق برزنک باغلاردی . بوسوزلری مبالغه تلیدانه حل ایتیه ییک ؛ بز ، کندیسنک لسان حالنه اجنبی اولمیان طلبه سی ، خواجه مزک بونی اصوات والفاظ عصیان مبارکی قارشیسنده چوق بولندق .

اونه مهابتلی ومحترم برتواضع ایدی . طلبه سی آره سنده مأثرسی ،

بتون مساعی و مواعظنده بو وطن عشق بر تجلی مخصوص ایله انجلا پذیر
اولوردی . ضیاعی عالم علمی اسلام و هیئت مبعجله عثمانیه ایچون تلافی
ناپذیر بر ضیاع الیدر .

جنارزه سی ، یارین آناتولی حصارنده کی یالیسندن مستفید فضائل
وعرفانی اولان بر جم غفیرک ایدی احتفالی اوزرنده قالدیر یله جقدر .
ارتحالندن دولای مشارالیهک مخادیم نجییه سنی و بتون هیئت علمیة
اسلامیه یی تعزیه ایدرز . « ترجمان حقیقت »

ارتحال مؤسّف

هیئت علمیة عثمانیهک بر رکن مهم وفاضلی ، مجلس اعیان اعضاسندن
دارالفنون عثمانی تفسیر شریف معلمی مناسرتلی اسماعیل حق افندی
دون سکتة قلییه دن ارتحال دار بقا ایله مشدر .
جناب حق مظهر مغفرت بیورسون .

غایت بیوک بر قیمت دینی یی حائز اولان مواعظ متعدده سیله مرحوم
مشار الیه افکار ناسی غایت سلیم بر دائره منجییه اماله ایتمهک سنی
و غیرت ایله مش و تدقیقات مکمله شرعیه سنه مستفید فیوض عرفانی
اولان مستمعلری دلبسته و حیران ایله مش ایدی .

جنارزه سی بو کون بر جم غفیرک ایدی احتفالنده اوله رق آناتولی
حصارنده کی ساحلخانه سندن چیقاریله رق استمبوظله اون قیانه و اورادن
فاتح جامع شریفه نقل ایدیلهرک صلات جمعهک اداسندن صکره شایان
بیوریلان مساعده سنیة حضرت خلافتنهای اوزرینه جامع شریف
مذکور خطیره سنه دفی مقرر بولونمشدر . « تصویر افکار »

بر ضیاع مؤسّف

اعیان اعضاسندن دارالفنون تفسیر شریف معلمی مناسرتلی اسماعیل
حق افندی دون صباح سکتة قلییه دن ارتحال دار بقا ایلمشدر . نعش
غفران نقشنک بو کون آناتولی حصارنده کی ساحلخانه سندن استمبوظله
اون قیانه و اورادن فاتحه نقل ایدیلهرک جمعه نمازی متعاقب شایان
بیوریلان مساعده سنیة خلافتنهای اوزرینه فاتح جامع شریفی خطیره سنه
دفی مقرر بولونمشدر .

اسماعیل حق افندی نملکتمزده فیض و عرفان نامنه بر چوق اثر
براقش و خلقه تدریسندن پک چوق ذوات یتشدر مش افاضلین اولوب
ضیاع واقعی بالطبع تأسفلرله تلقی اولنه جقدر .
جناب حق افرادعائله سنه صبر جمیل ، اجر جزیل احسان بیورسون .
« صباح »

ارتحال

مجلس اعیان اعضاسندن مناسرتلی اسماعیل حق افندی ارتحال
داربقا ایلدیکی مسموعمز اولمشدر . عائله کدر دیده سنه صبر جمیل
واجر جزیل تمنی ایلرز . « تفریح »

هیچ برینه نصیب اولیان بی نهاییه نشریاتی او نام محترم و معززه
قلب عمومی ملته لایموت بر پناه احترام و محبت تأمین ایتمشدر .

اسماعیل حق افندی مرحوم ؛ سوء اداره دولتشک وطنی بر
انقراضه طوغری کوتوردیکنی یالکز آناتوله قالمیه رق ، یالکز
متأسفانه یرنده طوریه رق ، براتقلاب سیاسی واجتماعی ایچون بوتون
عرفان و کالاتیله چالشمش ، حیاته بونی یکانه بر غایه بیلمشدر .
وعظلمی ، درسری ، کتابلری هپ بونک پارلاق برر شاهدلریدر .
ایمانم قدر قائم که مسالک علمیّه بولنان هر فرد وطنی ایچون اونک کبی
چالشمش اولسه یدی بوملکتمده دهها سریع و دهها مسعود براتقلاب
وجوده کلردی !

مرحومک مواعظنده کی قدرت بیان و حلاوت افاده یی اونو تمامق
بوتون قدر شناس مسلملرک بروظیفه سی اولملیدر . آیاصوفیه ده کی معبد
اسلامک قبه لرنده اوموثر و طاتلی صدا حالا طناندر .

مکاتب ملکیه ، دارالفنونک حقوق و عالیه شعبه لری ، مکاتب
حربییهک یتشدر دیک بیکلرجه اولاد مملکت هپ مرحوم مشارالیه دن
تلم دیانت و معرفت ایتشلردر . کنجملرک تعلیم و تدریسی خصوصنده
بوملکتمده مرحوم قدر چالشمش کیسه کوستر یله مز .

درد بحق سنه دنبری صراط مستقیم و سیل الرشاد غزنه لر یله
اولان نشریاتی یقین و اوزاق عموم اقطار اسلامده اوقومش ، اوقیمندار
مقالاتده مندرج نقاط حق و حقیقته یوز بیکلرجه قارئین مسلمین جلب
وجع اولنمشدر که رسالنه افندمک بزم ایچون اک بیوک دستور اجتماعی
اولان (خیرالناس من ینفع الناس) کلام قدسیت مآله مظهر اولمشدر
ایشته عالم اسلام بو ضیاع عظیم ایله بو کون بحق مؤلم و شایان تعزیتدر .
بز ناچیز شا کردلری ایسه اونک حضور عرفاننده کچر دیکمز هر
دقیقه ایچون برر عصرلق حرمله متحسّس و فقط شو آن ارتحالنده پایانسز
برکدرله مکدرز .

آشیان صاحبی

احمد جودت



مطبوعات عثمانیهک قدر شناسلنی

بر ضیاع الیم

هیئت علمیة عثمانیهک آبروی افتخاری مناسرتلی اسماعیل حق
افندی سکتة قلبدن ، بو صباح ، آناتولی حصارنده کی یالیسندره ارتحال
دار نعیم ایله مشدر .
رحمة الله تعالی

مرحوم مغفور الیه ایام شبانی تحصیل و تدقیق احکام شرایع ایله
امرار ایله دکن صوکر کتزلایفای عرفانندن پک چوق خلق
مستفیض اولمشدر .

مرحوم مشارالیه بر دقیقه سنی بیله بوش کچیرمه مش ایدی . علمه
درین بر عشق لاهوتی و مسلکته بر جذبه سبجانی ایله مربوط ایدی .
مملکته محبتی ، وطنه خدمتی ، بر خدمت مقدسه دینیه بیلیر ایدی .